

直隸霍州志續編

卷上

仙釋	篤行	仕籍	秩官	祠廟	序文
	文苑	封典	官績	學校	續修職名
	方技	職銜	科目	祿祥	

光緒六年續修

霍州直隸州志

本署藏板

續修霍州志序

古者千乘之國及附庸之邦皆有史以掌記時事自國列爲郡縣而史失其官然後志作今志猶古史也顧史剖而爲志史者百谷之王志則擘派分流而曲

折回環與周盡者也霍州爲古霍伯國舊隸平陽郡乾隆三十七年升爲直隸州趙城靈石屬焉同治九年秋旭莅霍下車首蒐志乘得大名崔公續志閱之見其刪繁提要因舊爲新志與

地則險要著而源委辨志建置
則頽廢舉而慎固明志賦役則
額款徵權毫分而縷晰志人物
則忠孝節廉文治武功森然臚
列志藝文則關世教切性情纒
纒乎畢錄較前明海昌褚公舊

志詳且備矣第肇始康熙十二
年止於道光四年迄今將六十
載志尚缺如夫天之六甲六十
歲一週其間朏朏異變羸縮異
度休咎異徵一不紀則疏再不
紀則凌三不紀則畔官離次六

十年來修志之舉豈容少緩哉
癸酉夏間正在訪延學問淵博
嫻於辭令者董若事旋奉文調
權保德繼復調署代遼二州風
塵鞅掌有志焉而未之逮丙子
夏回任後連年荒歉灾成大祲

籌辦賑務昕夕靡遑修志之舉
因此暫停茲幸

聖澤

汪洋蠲施普沛雨暘時若轉歉
爲豐民氣綏和地方又謐官民
交相拊慶之時荷蒙

部堂問
爵憲曾奏奉

諭旨重修山西省志札飭各州縣增
修志書誠盛舉也爰遵

憲檄邀集州之縉紳耆老開局
分曹補遺糾誤總期予奪衷諸
輿論是非本諸公心仰副
列憲重修通志以存文獻至意

旭於簿書之暇不揣謏陋商確
考證采其可徵者釐爲上下二
卷以裨通志之採擇六閱月編
纂成書並將舊板漫漶損壞者
重加修補剞劂功竣同局諸君
請弁言簡端旭不敏竊有慮焉

慮學殖淺薄得毋有失於考據
之疏者乎慮見聞未廣得毋有
遺於覽睹之外者乎導揚休美
潤色鴻猷續而正之尚有望於
博雅君子是爲序
光緒六年歲在庚辰季春上浣

誥授朝議大夫在任候補府知直隸
霍州事廣右楊立旭撰并書



續修霍州志職名

鑒定

欽加二品銜分守

河東平蒲解絳霍隰地方水利兵備道
兼管山西陝西河南等處鹽法事務

江人鏡

安徽人
己酉舉人

總修

欽加運同銜在任候補知府霍州直隸州知州

楊立旭

廣西人
己酉舉人

分修

內閣中書銜霍州直隸州學正

白天章

太谷人
壬戌舉人

署霍州直隸州訓導

李丙光

孟縣人
孝廉方正

候銓州判己酉科拔貢

成常林

直隸霍州志



續修職名

一

遼州榆社縣教諭辛酉科拔貢

程望澤

保舉教諭委用訓導廩貢生

董家興

癸酉科舉人

劉子喆

參閱

國子監太學生

茅彙吉

浙江人

候銓訓導歲貢生

閻鯤化

貢生

董培學

貢生

劉兆林

廩生

段雄

監刊

代理靈石縣事在任候補主簿霍州直隸州吏目 宋之鑑

校對

癸酉科拔貢 武學煥

保舉都司銜 安廷珍

侯銓光祿寺署正貢生 楊慶泰

五品頂戴分發湖南試用縣丞監生 楊慶復

膳錄

國子監太學生 左國先 長沙人

直隸霍州志



續修職名

二

中書科中書銜監生 楊登瀛

續刻直隸霍州志 上冊

祠廟

霍山中鎮廟

道光九年

諭祭文曰惟神雄標晉地秀繞汾流遙連鞏洛之區上
應觚參之野基蟠兩界鎮冀域以昭靈位奠中央埒
高高而表峻茲者回疆耆定逆裔就俘用遣專官虔
申昭告詰戎而思禹跡導山稱太岳之尊望秩而溯
堯都立極緬平陽之盛神其鑒格歆此苾芬

直隸霍州志

卷上

祠廟

一

道光十六年

諭祭文曰惟神絳縣鍾靈冀州領秀映星輝於昴畢據
地勢於河汾崇高尊太岳之名常留禹跡葱鬱擁平
陽之氣允識堯封茲以

慈闈萬壽懋舉鴻儀敬晉

徽稱神人慶洽瞻靈祇於鉅鎮懿典光昭肅拱衛於中原洪

庥丕著明禋特薦昭格惟歆

道光二十六年

諭祭文曰惟神岳陽表峻冀野鍾靈山遙俯乎壽星崖

近環乎聖佛帶河汾之巨浸利擅柏松控晉絳之雄
封美多珠玉茲以

慈闈萬壽懋舉崇儀敬晉

徽稱誕申昭告名同衡嶽效靈儕五等之封體配崧高獻瑞

叶三呼之祝尙其歆格鑒此苾芬

道光三十年

諭祭文曰惟神參野昭靈冀方作鎮協氣遙連乎晉絳
祥符遠溯乎唐虞朕誕受隆基懋膺景命竊念

皇考御宇以來執樞運化建極綏猷寰海又安方隅奠定茲

直隸霍州志

卷上

祠廟

二

當嗣位之始宜隆祀享之儀爰事廢縣恪遵遺告惟
冀雨暘咸若年穀順成障關輔以鞏皇圖佐嵩高以
昭靈貺尙其歆格鑒此精誠

咸豐二年

諭祭文曰惟神雄領豫州尊高高嶽次星躔於鶉首帶
接三川控地勢於龍門襟連二室典崇虞祀肇中土
以恢基域峻唐都宅平陽而作鎮朕寅承丕緒虔舉
隆儀茲以咸豐二年四月初二日恭逢

宣宗效天符運立中體正至文聖武智勇仁慈儉勤孝敏

成皇帝主配享

圜丘禮成特遣專官敬申昭告惟冀之風甘雨四時調玉燭
之和疊嶂重巖億載奠金甌和固肅將馨祀肸鬯

臨

咸豐十年

諭祭文曰惟神祥鍾冀域象炳參墟標景霍之崇稱控
晉陽之勝概雲施千里屏藩推太岳之尊土德四時
保障定中央之位茲以朕三旬展慶九宇臚歡特舉
崇儀虔申昭告爲民祈福欣聞歌祝於堯封維嶽降

直隸霍州志

卷上

祠廟

三

神益晉休祥於禹甸明禋用格歆鑒式臨

同治元年

諭祭文曰惟神昭靈參野作鎮冀州標景嶽之崇稱攬
晉陽之勝概雲氣遙連乎太室紫蓋差峩岡巒近接
夫中條翠屏迢遰朕式臨九有誕告萬方爰事肢縣
恪遵遣祭念

皇考德符松棟土風企唐虞之邦今朕躬瑞輯蘿圖靈氣重
河汾之地惟冀祥符昭著沛澤滂流障晉地而鞏雄
藩佐嵩高而徵良翰神其歆格鑒此隆儀

同治三年

諭祭文曰惟神炳靈晉地作鎮冀方修秩祀而企堯都
平陽鍾秀溯隨刊而思禹跡太岳稱雄屬寰海之永
清悉洪庥之默佑茲以金陵凱奏玉宇塵清傳捷奏
於吳中合江表而偕歌耆定考職方於河內望山靈
而式薦馨香鑒此苾芬神其來格

光緒元年

諭祭文曰惟神參野昭靈冀方作鎮協氣遙連乎晉絳
祥符遠溯乎唐虞朕誕受隆基懋膺洪祚竊念

直隸霍州志

卷上

祠廟

四

穆宗毅皇帝御極以來執樞運化建極綏猷寰海乂安方隅
奠定茲當嗣位之始宜隆祀享之儀爰事蒞縣恪遵
遣告惟冀雨暘咸若年穀順成障關輔以鞏皇圖佐
嵩高以昭靈貺尚其歆格鑒此精誠

文廟

咸豐元年

文宗顯皇帝

御書德齊幃載四字匾額

知州鄒均敬謹懸掛

同治元年

穆宗毅皇帝

御書聖神天縱四字匾額

知州賈聯芳敬謹懸掛

武廟

同治元年

直隸霍州志

卷上

祠廟

五

御書萬世人極四字匾額

知州賈聯芳敬謹懸掛

中鎮廟

光緒五年

御書佐天育物四字匾額

知州楊立旭敬謹懸掛

龍王廟

光緒五年

御書三登昭佑四字匾額

知州楊立旭敬謹懸掛

倉頡殿

在文昌廟東北隅光緒二年紳士成常林閣在鯤化等募資與太陽太陰宮一時並建

太陽宮

太陰宮

司命祠

在城中鎮廟震方道光二十二年紳士程樹業朱點魁等募資創建

東武廟

在城宣一里明萬曆七年張縉修葺至道光九年郡庠生程樹業周復邨等重修

龍王祠

在城中鎮廟良方道光壬寅創建

子孫祠

乾隆四十七年生員范爾電碑記修葺同治八年紳士程迎澤李秀芝等募化與

痘疹祠

痘疹祠一
時重修

財神祠

在東武廟震方光緒二年重修

直隸霍州志

卷上

祠廟

六

瘟神祠

在城隍廟東南隅同治七年重修郡人聯會祀之

速報祠

在鼓樓東乾隆四十七年郡廩生董烜募化重修

公輸子祠

在東街

雙峰塔

在城五里巽方道光壬辰文州尊修奎星閣南一塔於閣北丙午歲華州尊復建一塔於閣南

玉皇廟

在城北良阜三里許咸豐五年紳士程樹業募資重修

泰山廟

在玉皇廟頂上咸豐七年紳士程樹業謀修工半而歿香首邢瑞芝續成焉

呂祖閣

在水庵東砌室上嘉慶己卯吏目胡鸞創建

劉猛將軍祠

在城東門外聖王廟東隅咸豐八年恒州尊諭紳士董因培安學周等募資創建

真武閣

在北關上許河水聲嶽色匾南在北衝上有河聲嶽色匾

興隆寺

寺在廣順東

鼓樓

年在城中央供文昌財神於上道光十七年紳士程樹業武振封等募資重修

禪院

南在城西隅

二聖庵

廟在藥王北

松風觀

鳳在北橋門外

延慶洞

厲在城北門外壇之東

商山廟

外震東門方

大士廟

門在小南外

唐高文獻公祠

經在城西尊閣

直隸霍州志

卷上

祠廟

七

元元帥程公祠

鎮在城北中廟

元忠裔邢公祠

東在城宣一里街炭市口

明勅封伯郭公祠

北在城西街造福巷

明御史周公祠

聖在城東二庵

明參政喬公祠

南在城東隅

明忠毅成公祠

四在城宣里

明光裕任公祠

南在城街

白衣庵

門在城西外

鎮河鐵牛

鳳在北橋門外

學校

謹

奏爲遵

旨妥議具奏事本年閏三月十三日禮部議明儒曹端從祀

文廟一摺奉

硃批大學士軍機大臣另行妥議具奏并酌定以後從祀章程不可漫無限制若定例原有專條卽不必酌定章程遵例行不准援案欽此查禮部則例道光九年十二

直隸霍州志

卷上

學校

一

月奉

上諭先儒升祔學宮祀典至鉅必其人學術精純經綸卓越方可俎豆馨香用昭崇報若僅著述家言闡明心性未有躬行實踐超越等倫列祀鄉賢已足彰褒旌之義豈宜升祔廟庭稍滋冒濫等因欽此復查明史儒林傳載曹端澠池人永樂舉人五歲見河圖洛書卽畫地以質之父及長專心性理其學務躬行實踐而以靜存爲要讀宋儒太極圖通書西銘歎曰道在是矣篤志研究坐下著足處兩輒皆穿事父母至孝父初好釋氏端爲夜

行燭一書父欣然從之遭親喪五味不入口既葬廬墓
六年一切浮屠巫覡風水時日之說屏不用上書邑宰
毀淫祠百餘設里社里穀壇使民祈報年荒勸賑存活
甚衆爲霍州學正修明聖學諸生服從其教郡人皆化
之恥爭訟卒之日霍人罷市巷哭童子皆流涕考曹端
篤信好學守道不移崇正闢邪以力行爲主明興三十
餘載端起崤澠間倡明絕學論者推爲明初理學之冠
所著孝經述解四書詳說周易乾坤二卦解義等書既
已散佚而所存曹月川集及太極圖說述解西銘述解
通書述解等書已於

直隸霍州志

卷上

學校

二

欽定四庫全書著錄謂其箋釋周子張子之書抒所心得其
言簡而不支臣等詳閱原書粹然皆出於正有明理學
諸儒若薛瑄胡居仁等大道昭彰惟曹端樹厥先型其
所著述理明心定德粹言純誠爲有本之學且掇擊異
端式化閭里洵所謂學術精純躬行實踐者於道光九
年所奉

諭旨相符臣等公同酌覈應請如該部所議准以明儒曹端
從祀

文廟東廡其位在先儒胡居仁之上是否有當恭候

諭旨遵行謹

奏

直隸霍州志

卷上

學校

三

諭頒發黜異端以崇正學韻文 道光十九年奉

上諭前據署兩江總督陳鑾江蘇巡撫裕謙江蘇學政祁寯藻
奏請飭下儒臣敬謹推闡

聖諭廣訓內黜異端以崇正學一條擬撰有韻之文頒發各省
當經降旨着翰林院謹擬撰茲據掌院學士等呈進
四言韻文一篇候朕欽定朕詳加披閱足以闡明
聖諭啟迪愚蒙着禮部卽頒行各直省學政恭書刊刻徧頒鄉
塾俾民間童年誦習激發良知涵育薰陶風俗蒸蒸日上
上朕實有厚望焉欽此

直隸霍州志

卷上

學校

四

黜異端以崇正學韻文

惟天生民異質同性畀以五常統乎百行自聖及凡
無邪有正本體旣明趨向乃定惟聖覺世振頑啟愚
防以刑政迪以詩書雷霆儆戶日月照衢提撕引掖
惟善之驅緬思古昔俗美化醕豆觴知義箕箒明倫
以忠於上以孝於親里因仁美鄰以德薰蓋惟先民
正學是尙戶謹師承家遵蒙養行不履邪言不涉妄
聖教旣昌皇風斯暢聿有二氏日老日釋老主清淨
釋主寂滅爲教雖殊其旨則一今之異端乃襲其說

嗟彼異端何獨非民不知父子不知君臣若飲狂藥
如墜迷津離經畔道與匪爲鄰匪之不除邪說競作
僞托師巫妄言禍福結會傳徒糾朋黨惡使我良民
受其愚惑惟民之愚見異思遷謂可成佛謂可昇仙
教之不悟信之愈堅不惜軀命無論金錢嗟爾之軀
生自父母望爾承先待爾啟後達固爲榮窮亦可守
奈何不肖受其邪誘嗟爾之財辛苦所餘累非朝夕
積自錙銖衣食所賴緩急是需奈何被惑罄其蓄儲
今爲爾告爾其敬聽自來百邪不敵一正見晁雪消

遇霜草隕身敗名隳曾不轉瞬不見異端男女同室
廉恥道亡綱常理息不見異端茹素念經愚我黔首
亂我儒衿生爲民蠹死受國刑殃禍所及祈祝無靈
不見異端創立名號敢肆譁張自外覆幬翦鴉於林
磔鼠在道曾不崇朝首領莫保前車可鑒後轍當思
何習其教更拜爲師如彼禽獸豈容天日一旦伏誅
悔之無及念我蠢蠢哀我蚩蚩狂瀾不返疇其拯之
乃飭疆吏乃命守土爲爾去莠爲爾除蠹殄此虺蛇
投彼豺虎一警迷途同歸覺路自今庶民各守爾義

農服耕耘土修孝弟商阜其財工勤其藝莫作非爲
永保勿替更告爾兵武藝爲先冠不在美衣不在鮮
武勇旣備禮讓并嫻毋蹈非分永守勿愆矧今盛世
何生不育化及昆蟲澤被草木飽煖有資俯仰具足
幸生其時太平可樂勿干國憲勿犯王章各安本務
共享安康秋田息蜡春社烹羊人其永壽天亦降祥

文廟補祀兩廡先賢先儒

先賢公明子

魯名儀人

鄭僑

字子產鄭人咸豐七年增祀西廡

先儒孫奇逢

直隸容城縣舉人道光八年從御史張志廉請增祀西廡位在明臣呂坤之次

文天祥

江右承廬陵人宋寶祐四年進士第一官至右承相道光二十三年從巡撫吳文鎔請

增祀西廡位在何基之次

謝良佐

河南上蔡縣進士道光二十九年從巡撫潘鐸請增祀東廡位在楊時之次

李綱

福建邵武縣人宋政和二年進士歷官至大學士諡忠定咸豐元年從巡撫徐繼畬請增

祀西廡位在胡安國之次

直隸霍州志

卷上

學校

七

韓琦

河南安陽進士歷仕三朝卒贈尚書令魏郡王咸豐二年從巡撫李德請增祀東廡位

在陸贄之次

陸秀夫

江蘇人宋丞相咸豐九年從巡撫趙德轍請增祀西廡位在文天祥之次

曹端

河南滎池縣人霍州學正咸豐十年從巡撫英燾請增祀東廡位在胡居仁之次

毛亨

魯人世稱大毛公同治二年從御史劉慶請增祀西廡

呂枏

陝西高陵人明正德二年進士第一授修撰累官至禮部侍郎從御史劉慶請增祀西廡

位在蔡清之次

方孝孺

甯海人官翰林侍講康熙四十四年王憲忠烈明臣匾額同治二年從給事中王憲

增祀請

袁燮 浙江鄞縣進士封開國伯晉贈少師諡正在

同治七年從巡撫馬新貽請增祀西廡位在

張履祥 浙江桐鄉縣人學者稱楊園先生同治十

年從學政徐樹銘請增祀東廡位在孫奇

陸世儀 江蘇太倉人海內稱桴亭先生光緒元年

從巡撫張樹聲請增祀西廡位在黃道周

許慎 汝南召陵人官至漢太尉南閣祭酒光緒二

年從國子監司業汪鳴鑾請增祀東廡位在

劉德 河間獻王光緒三年從學政費延

直隸霍州志

卷上

學校

八

張伯行 河南人禮部尚書諡清恪光緒四年從學

輔廣 字漢卿號潛庵光緒五年十二月從浙江

撫梅啓熙請入祀西廡位在黃幹之次

童子箴

霍州書院
山長 曹端

敦威儀慎行止正心術保身體孝父母友兄弟睦宗族
和鄉里遠小人親君子事誠明一終始饗天心受帝祉

偶成

曹端

作文不必巧載道則爲寶不載道之文臧文祝上藻

箋家規

曹月川先生著
有家規輯畧

孫奇逢

子輿氏曰堯舜之道孝弟而已矣又曰人人親其親長
其長而天下平則平治之取型於家也明矣而家範不
立何以示型故文靖有家規輯畧一編自祠堂至治蠶

直隸霍州志

卷上

學校

九

爲目十四共二百六十四則或刪定前人舊本或獨以
己意新增總之尊崇先世之念無處不格而啟佑後人
之思無微不入夫先世往矣而饗祀不潔無論先靈有
餘恫而忝爾所生能忘夙夜然不合後世之子子孫孫
永貞尊祖敬宗之意則其答報所生也猶淺故編中於
教戒子弟倍加嚴肅蓋子弟之暴棄自甘由祖父之教
誠不蚤及至習慣遂若性成豈知上知之子與下愚之
子皆不多得而中人之性介於上下之間者教則成逸
則敗敗其子不止爲不慈何以仰對吾祖父并且爲不

孝矣文靖以格致誠正之身而豎規於一家則由家而國而天下豈有異家哉豈有異規哉

箋通書述解

曹月川先生著
有通書述解

通書述解四十章真與太極圖說相表裡解其未易解述其未殫述非元公誰能發太極之蘊非靖修誰能發元公之蘊乎至論孔顏之樂元公令兩程尋所樂何事畢竟無人說破靖修獨謂孔顏之樂者仁也非是樂這仁仁中自有其樂耳且孔子安仁而樂在其中顏子不違仁而不改其樂安仁者天然自有之仁而樂在其中

直隸霍州志

卷上

學校

十

者天然自有之樂也不違仁者守之之仁而不改其樂者守之之樂也斯言至矣盡矣蓋極至之理惟一仁仁者不憂不憂自樂寧直孔顏羲皇堯舜禹湯文武總不外是四十章述解無非發明太極一圖而仁字已括圖之義矣

名宦祠補祀姓氏

元元帥霍州長官程榮

昭忠祠補祀姓氏

敕贈奉政大夫安徽望江縣知縣衛君選

敕贈中憲大夫安徽安慶府通判楊序鏞

忠義孝弟祠補祀姓氏

任開疆

劉昌延

韋恒泰

劉學易

郭景融

董奎照

翟天申

武統文

朱元培

董殿元

程樹業

董培風

直隸霍州志

卷上

學校

十一

孫萬照

董直錄

武振封

董揚清

董因培

節孝祠補祀姓氏

詳列女

咸豐元年

霍山書院新立章程開列於左

計開

一書院膏火本銀共計肆千零壹拾陸兩一宗叁千

貳百壹拾陸兩每月一分生息一宗捌百兩每年

一分生息

一書院膏火利銀當商按四季繳案通年約來利錢
陸百伍陸拾千

一每月定官課一次聽候牌示逢初一十一二十一
日爲山長院課

一每官課一次定生員膏火十二分超等六名每名
給膏火錢八百文特等六名每名給膏火錢五百
文光緒六年起加超等一名特等一名

一每官課一次定童生膏火二十分上取十名每名
給膏火錢六百文中取十名每名給膏火錢四百

文光緒六年起加上取一名中取一名

一每官課一次給生童獎賞錢五千文

一向來課本參差不齊諭令禮房備辦每本給錢十
文卽在生息項下開銷

一新立帳簿三本凡出入銀錢逐一登記一本存署

一本存禮房一本存董事四生經管

一新立家具簿二本凡書院應用桌椅板橙逐一登
記一本交看司經理一本交董事經理以憑交代

一山長脩金通年一百六十兩聘禮銀四兩三節共

禮銀一十二兩

一每月官課給禮房紙筆錢一千文

一每年用冊費銀五兩

係元銀

一每月給膳夫工食錢一千文

一每月給看司工食錢一千二百文

光緒五年

州尊楊稟請將轉運分局贏餘銀四百八十六兩歸入書院添補士子膏火十月二十九日蒙

爵撫憲曾 批據稟已悉查該州霍山書院膏火不貲

直隸霍州志

卷上

學校

十二

擬請將存留轉運局贏餘銀四百八十六兩發當生息作爲士子膏火之需事屬可行准如所請辦理仰卽將贏餘銀兩迅速發商生息以資膏火仍將如何生息情形詳請立案以垂久遠繳奉批後隨邀監院紳士添足五百兩之數十一月初六日傳集城鄉當商合行具領寶銀五百兩一半按年一分生息一半又分兩半半依時價半依九百合錢均按年一分生息詳明立案

光緒六年又奉

督辦山西善後總局

按察使使松
布政使使王
冀甯道葆

批如詳立案仰將此

項生息銀兩卽行立案勒石書院作爲士子膏火之需
無論何事不准絲毫動用倘有擅自挪移著令加倍賠
償冀垂永久仍候
爵撫憲批示繳

襍祥

道光九年收成歉薄米麥價悉昂貴

道光十二年夏秋均收年豐大有

道光十五年趙城教匪滋事逼近州城夏麥豐收秋禾

未登

道光十七年夏麥歉收秋禾豐登

道光十九年夏秋不收米麥價昂

道光二十二年州境蝗患甚烈秋禾盡被蟲食是年大

饑哀鴻徧野

直隸霍州志

卷上

襍祥

一

道光二十六年夏麥微收秋禾遭旱

咸豐三年粵匪竄至趙城民皆驚竄遠避山谷城中蕭

條不堪目覩

咸豐七年麥禾均收米麥價賤

咸豐九年收成歉薄米麥價昂

咸豐十一年八月朔旦五星聚奎時泰歲豐

同治元年宋逆過境賈州尊督率紳民閉門防守東關

一帶盡被蹂躪

同治三年夏麥豐收秋禾告成歲歌大有

同治六年捻逆西來竄擾趙城一帶居民逃避城市空
虛州尊團練鄉勇晝夜巡查賊東竄民始安堵

同治八年仲夏天雨冰雹如拳城外田苗盡被打傷秋
禾未登

同治十一年夏麥薄收秋禾未登

光緒元年夏麥豐收菽米價賤

光緒三年春間兩澤愆期晉省荒旱成災我霍亦少雨
澤麥收歉薄蒙

州尊楊稟請委員候補縣廣明府魁會同查得極次大

直隸霍州志

卷上

機祥

二

小貧民九千三百一十四名口詳奉

宮保爵憲曾 批准開倉散賑一箇月共散穀九百六
十二石七斗一面邀同紳董在城文武勸諭各紳富
捐制錢四千九百一十六吊五百文以備買穀還倉
嗣因夏秋亢旱太甚秋禾無收宿麥不能下種以致
糧價昂貴斗米三千斤麪百文哀鴻遍野待哺嗷嗷
州尊楊會同派委卽用縣雷明府棣榮率令官紳分赴
四鄉稽查極次大小貧民一萬八千六百五十五名
口卽於七月十五日設局開賑起按月散放是年冬

間缺少雪澤災黎饑寒更形困苦

州尊楊設立保赤堂派令教佐紳董收養子女掩埋屍骨復又加賑極次大小貧民一萬零五百一十名口蒙

官保爵憲曾派委准補屯留縣劉明府鍾麟會同勸諭本地當商紳富舖戶捐銀一萬三千五百一十兩州尊楊捐助錢六百千文均爲本地散賑之用並又加賑聞賑來歸極次大小貧民三千七百零五名口陸續奉到

直隸霍州志

卷上

機祥

三

局憲發給蘇漕米六百石東漕米一千二百石麥四百石四年春間蒙

州尊楊與委員劉明府籌議買備籽種因各處荒歉無從購覓商令紳董卽於捐賑項下提銀一千八百二十兩買麥二百六十石連充公罰麥四十石抵放賑米兌換倉穀五百石作爲散放籽種又散給蔓菁種籽四石是年麥秋仍乏雨澤又屬無收接聯賑濟迨至夏季始獲甘霖秋收稍有生計自三年四月開賑起斷續賑至四年十二月底止共賑過錢一萬九千

四百三十六千八百五十五文倉穀八千五百八十八石七斗一升二合五勺米麥二千四百九十九石九斗九升三合九勺災黎賴以全活甚衆所有三年下忙四年上忙及下忙減成未完錢糧共二萬九千二百零五兩六錢五分一釐八毫七絲蒙

宮保爵憲曾 奏奉

諭旨恩准概予豁免五年春間蒙

宮保爵憲曾 發給籽種銀三千兩散放無力貧戶秋間撥發耕馬百匹每匹飭交價銀八兩仍散給無力

直隸霍州志

卷上

機祥

四

貧民作為農具資本九月奉

局憲飭發穀價銀五千兩蒙

州尊楊派令紳士安廷珍辦穀五千石先行買補還倉十一月蒙

宮保爵憲曾 委員候補直隸州蔣刺史拱辰會同州尊楊查辦新荒絕戶無主地七千八百九十五畝正糧銀三百五十三兩七錢四分八釐六毫耗羨銀四十五兩九錢八分七釐三毫一絲八忽自光緒五年始停徵四年又有主無力地七千六百五十三畝正

糧銀三百二十兩零二錢五分一釐五絲耗羨銀四十一兩六錢三分二釐六毫三絲六忽五微停徵三年稟奉

撫 局憲批准在案此次天災流行遭遇奇荒我州民富者得保身家貧者得存性命死者得免暴露實沐上憲鴻慈加意賑卹無微不至方之富鄭公於青州趙清獻於越范文正於蘇民忘其災官不知擾其功德洵足共垂千古閭州之人懽欣鼓舞益相感戴

皇仁優渥賜粟蠲租康濟三農昭蘇萬姓是以人和感召

直隸霍州志

卷上

機祥

五

天和和氣翔洽轉歉爲豐含哺鼓腹唯與白叟黃童日謳頌於無窮焉爾

水利

核桃泉距州城南十五里在陰底村西曹村東自康熙年間舊有此泉係屬陰底村灌溉水地光緒三年六月間天氣亢旱曹村申成誥等與陰底村劉戊辰等涉訟經

州尊楊訊斷仍歸陰底村使水兩造具結存卷

秩官

知州

文壽華 進士道光九年任
黃亮國 拔貢福建長泰人

駱榮光 附生順天署任
惠馨 滿洲正藍旗人

周曾毓 進士江蘇吳縣人
周雲鳳 江蘇沭陽人

張同郊 直隸景州人
陳鼎雯 進士安徽定遠人

華典 舉人二十三
戈其邁 進士二十六

楊樹年 進士陝西富平縣人
鄒均 監生二十八

張映南 副榜四川人
朱謹度 廩生貴州貴筑

直隸霍州志

卷上

秩官

一

薛珊 監生陝西朝邑人
王繼蘭 舉人山東濟甯

錫疇 舉人滿洲正白旗人
賈聯芳 舉人六年

恒海 進士七年署
薩麟 舉人滿洲人

阮棻 舉人十二年
王桂林 監生正藍旗漢軍

楊立旭 廣西馬平縣人
王桂林 監生正藍旗人

年保陞直隸州九年署任
年調署保定代遼等州光緒二年回任

學正

劉泰耿 廩貢聞喜人
韓履豫 廩貢臨汾人

薛秉經 廩貢襄陵人
趙大鏞 附貢孟縣人

馮士林 舉人二十九年任詳宦績九

李景沆 廩貢十一年休署人咸

劉朝宗 舉人安邑人十年任

羅邦達 廩貢十二年休署人同

白天章 同治壬戌舉人太谷縣人十二年任

訓導

許長庚 舉人道光十三年任詳宦績十三

衛亮功 廩貢三年署州人

阮遜 廩貢六年署人

馮湜 廩貢七年署州人

高居仁 舉人長子人十七年任

胡其厚 歲貢交城人二十年署任

常山仲 廩貢二十年任

黃四如 舉人絳州人二十年任

李增魁 附貢平遙人十七年任

靳廷槐 附貢介休人咸豐五年任

直隸霍州志

卷上

秩官

二

李丙光 孝廉方正孟縣人光緒四年署任

吏目

胡鸞 吏員道光十三年任詳宦績十三

羅國柱 吏員浙江人十三年署任

呂立昇 供事順天大興人十七年署任

吳學海 直隸清苑縣人十九年署任

趙夢麟 順天大興人十九年任

王溥 順天通州人二十年署任

羅奉鎬 順天大興人十八年署任

丁文桂 順天宛平人十九年任

王惟士 吏員江甯人十八年署任

鄭言慎 江蘇吳縣人十九年任

胡伯虎 河南洛陽縣人同治六年署任

楊翔慶 供事順天通州人七年任詳宦績

玉潤 滿洲漢軍人十一年署任

王蔭穀 浙江人光緒元年署任

葉雲路

監生安徽青陽縣人同治十一年任

宋之鑑

監生安徽懷遠縣人光緒二年任

直隸霍州志

卷上

秩官

三

武秩官
以前失考

守營外委把總

韓 壘
道光五年任

馮 琦
道光五年任

趙永祿
道光二十一年任

宋世琦
道光二十三年任

朱 權
道光二十五年任

宗連陞
道光二十八年任

王萬清
道光二十九年任

直隸霍州志

卷上

武秩官

四

季 榮
咸豐二年任

李志陞
咸豐三年任

郝 煜
咸豐六年任

鄧希武
咸豐八年任

李得貴
同治三年任

馮 煒
同治四年任

王魁緒
同治十年任

現任外委把總

吉連陞
光緒四年任

李成貴
平陽人
光緒六年二月署任

額外外委

王祿
光緒三年任

直隸霍州志

卷上

武秩官

五

宦績

崔允昭字又村直隸磁州人不避權勢持法嚴明纂修州志綱紀肅然霍俗爲之一變

文壽華廣西鬱林州人善教深得民心每逢課期公親筆刪改口授指畫文風丕變霍當孔道差役過境支應有法民不苦累迄今咸感其德

惠馨滿洲正藍旗人勤於政事愛民如子適趙城教匪滋事夢延已逼州城公親率士民晝夜巡查風餐露宿月餘未嘗懈及烏合斂跡白於當道祇治首惡餘

直隸霍州志

卷上

宦績

一

黨全活甚眾解組日百姓遮道攀轅有唯恐其去者華典字慎五直隸天津人蒞霍多年重修廟宇設立義學課士三藝仿科場規模捐銀五百給鄉試資斧種種善政衆論翕然可稱能吏

戈其邁字德庵直隸景州人以名進士出宰斯士催科不擾撫字有方課士子親爲品評療民疾多施丸散重土愛民古之循良洵堪媲美

鄒均字壽泉江西南豐人蒞霍三次多有政聲凡治民之事必重躬行課士之規先求立品嘗爲書院延師

兩席訓誨教導脩金半出廉俸公三去霍皆兩袖清
風一塵不染

賈聯芳字棣堂陝西鄠縣人在任十餘年勤求撫字力
振文風霍當通衢同治元年宋逆北上六年捻髮西
來州境屢瀕於危民不驚擾皆公之力也

恆海字月舫滿洲鑲藍旗人繙譯進士署州篆潔已愛
民勤政重士下車之日州患蝗災農民懷憂公捐廉
創建劉猛將軍廟虔誠默禱蝗害遂息是年且有秋
士民頌之

直隸霍州志

卷上

官績

二

阮綦安徽懷甯人同治十二年署州篆政平訟理聽斷
至公東街祝聖寺舊存火藥數十簍公以寺近街市
急令遷移北關延慶洞未幾寺遭回祿居民安堵始
信公有先見

馮士林代州舉人品端學優崇儒重道一切餽遺屏絕
弗受咸豐三年髮逆逼境公誓以身殉臨難不苟後
卒於官囊橐蕭然久始歸葬

許長庚平定州舉人學問宏博尤工詩賦一時從遊多
獲教益著有小丁卯橋詩賦行世

胡鸞安徽懷甯人緝捕勤慎盜賊屏蹤添補火星廟香資經營水月庵養贍捐俸以濟西橋出貲以修南塔建甄室於厲壇栽柏樹於古廟濟貧放生種種善政真吏目中之僅有者

鄭言慎勤於緝捕無曠厥職

楊翔慶恪供厥職士民愛戴

楊延亮號菊泉湖南長沙人嘉慶庚辰進士道光元年莅趙城縣任風韻秀徹博涉羣書興學育才纂修邑志治行藉有聲稱十五年春簽升雲南安南知州尙

直隸霍州志

卷上

官績

三

未卸篆訪聞縣屬耿峪村匪徒曹順習陰陽術並學拳棒拜韓鑑爲師傅教授徒妄佈邪言楊邑侯正在會營查拏詎料先遣往探之房書董良史係屬匪黨潛通消息逆首曹順胆敢糾合韓奇等約定城內廟僧道洪接應於三月初四日四更時分由西門坍塌之處爬越進城砸開北門二百餘人蜂擁而入放火焚燒衙署監獄當將楊邑侯殺斃其母吳氏妻傅氏四子二女幕友楊成鼎家丁婢女十有三人同時遇害事聞詔贈知府予諡昭節立傳撰文以彰忠烈繼

嗣澤萬賞給騎都尉世職襲次完時以恩騎尉世襲
罔替入祀京城昭忠祠並著在該縣建立專祠將家
屬幕友一併祀春秋有司致祭首逆曹順謀叛逆
黨逃逸至山東朝城縣暨平陽襄陵等處先後挈獲
械送晉省歸案審辦獄成曹順寸磔韓奇等四名凌
遲摘心致祭餘黨張汶斌等共一百零三犯分別凌
遲斬決梟示以彰 國法而慰忠魂所有歷任失察
文武官員交部議處前典試四川羅蘇溪星使途次
有弔楊菊泉七律四章刊入藝文志洵足闡揚昭節

劉祥瀚字韻農湖南湘陰人由附生以軍功保舉丙子
冬知趙城縣事莅任年餘公勤廉幹愛恤黎民雖政
務繁錯而民不擾丁丑戊寅歲大饑請發倉庾以賑
窮黎諸事盡瘁不懈以勞致疾卒於官趙民懷之請
祀名宦

科目

進士

道光 己丑科 韓班

同治 乙丑科 韓毓午

舉人

恩科 道光 乙未 薛早植 丁酉科 劉居樸

恩科 甲辰 董醅之 己酉科 張光宇

恩科 咸豐 辛亥 董贊襄 朱連珍

乙卯科 武丕化 恩科 己未 孫寅

直隸霍州志 卷上 科目 一

辛酉科 韓潮 同治 甲子科 韓毓午

癸酉科 劉子喆

副貢

恩賜 咸豐 己未科 張光玉

武進士

道光 丁未科 喬席珍 光緒 丙子 郭清標

武舉

恩科 道光 壬辰 李成蔭 甲午科 劉聯魁

恩科 乙未 李魁英 成繼學

丁酉科

朱郁茂

癸卯科

李栽培

恩科 甲辰

喬席珍

恩科 咸豐己未

楊陽暢

恩科 同治壬戌

李俊德

甲子科

喬竹

丁卯科

梁漸陸

癸酉科

李懷德

恩科 光緒乙亥

郭清標

范定國

郭秀智

荀文潮

恩貢

劉應昇 道光 乙未

劉肯堂 乙巳

成秀森 咸豐 辛亥

張茂林 癸丑

楊錦文 甲寅

薛樹縉 丙辰

劉錦甲 庚申

任步蟾 同治 壬戌

直隸霍州志

卷上 科目

二

安餘慶 丙寅

周宅鎬 壬申

武丕應 光緒 乙亥

拔貢

董邦傑 道光 丁酉

成常林 己酉

程望澤 咸豐 辛酉

武學煥 同治 癸酉

歲貢

劉步斗 道光 丁亥

任奪秀 己丑

朱聖培 庚寅

李南枝 壬辰

翟文標 癸巳

郜爾勉 乙未

董連元 丙申

安承聖 戊戌

朱連書 己亥

韓清泉 辛丑

韓立功 壬寅

張德懃 甲辰

劉懋德 乙巳

任士璋 丁未

郭應封 戊申

李庚辰 庚戌

張開域 咸豐 辛亥

喬元春 癸丑

朱連捷 甲寅

郭玉成 丙辰

韓清標 丁巳 成德馨 己未 郭先甲 庚申 李戊辰 同治壬戌

韓丙熒 癸亥 成配南 乙丑 劉漢章 丙寅 成樹秀 戊辰

張文煥 己巳 董五章 辛未 成子純 壬申 閻鯤化 甲戌

任贊湯 光緒丙子 陳伯璋 丁丑 劉文燦 己卯 韓奎章

廩貢

蒲暢元 劉美德 韋生杲 道光年 朱配丙

劉兆鳳 柏鳴岐 陳建寅 李瀛仙

高蘭芳 朱桂芳 韓文潮 郭汝霖

楊皋蘭 咸豐年 吳文濬 董邦秀 孫 雋

直隸霍州志

卷上 科目

三

安予敬 同治年 郜休徵 趙春元 喬鎔基

董家興 范雲章 光緒年 朱秀棣 廩監

增貢

李則膺 韋景賢 朱秀先 武極治

董五瑞 馬鳳標

附貢

劉秉鑑 朱連振 周化南 朱連招

段逢運 宋宗湯 董培學 劉兆林

朱映南 武又新 朱殿贊

仕籍

韓班 題補直隸樂城縣知縣

朱傳燭 陽曲未任訓導

劉居樸 平定州學正

劉庭九 山東商學廩貢 署解州學正

董殿元 朔州學署正

韋生杲 署榆次沁水教諭

薛早植 鄉導 寧縣

武丕化 兵部主事 加四品銜

董贊襄 沁州學正

孫寅 靜樂縣訓導

朱連珍 遼州學正

程望澤 榆社縣教諭

韓毓午 福建順昌縣知縣

朱秀棣 廣西永福縣典史 抗直去官

朱映南 四川平武縣典史

朱殿贊 浙江烏程縣丞

直隸霍州志

卷上

仕籍

一

成召南 監生雲南平彝縣典史

吳伯讓 監生廣東陸豐縣典史

董邦秀 代州訓導未任

韓潮 馬邑鄉訓導未任

安其昌 監生雲南通海縣典史

安庚辛 監生山東石河場鹽大使

李戊辰 馬邑鄉學訓導

李榮程 應州學正

候選

董家興 分發訓導院待詔薦教諭翰林院

范雲章 河南試用縣丞

馬鳳標 即選 巡檢

任登庸 監生 巡檢

段逢運 選用 巡檢

段培鋆 監生 選史

何壩 監生 署江蘇長洲縣丞

喬鎔基 即選 訓導

武仕籍

劉聯魁

由舉人平陽營効
力以千總委用

喬席珍

由進士以
守備補用

郭清標

由進士太原營効
力以守備即補

喬竹

由舉人挑取兵部
差官以守備選用

安鳳彩

由軍功署理運城
平陽兩營守備

范定國

由舉人平陽營効
力以千總委用

郭秀智

由舉人挑取兵部
差官以守備選用

安傑三

由生在山東軍營保舉
遊擊銜並賞帶花翎

文封典

董德清 贈以子朔州學正殿元貴人 貽

董朝杭 贈以子職茶馬大使萬鵬人 貴

周化豐 贈以子登仕國子監成氏籍紹稷人 貴

韓衍恒 儒以林郎荀氏楊氏封安人 敕贈

程樹業 贈以子修職薛氏高澤貴人 覃恩

段逢昌 贈以孫直職夫薛氏王級瀛封宜貴人 貽

段從龍 贈以子奉直職夫成氏劉氏封宜貴人 誥

邢煊 登以子佐郎陳氏劉氏封孺人 貽贈

直隸霍州志

卷上

封典

一

張萬有 贈以孫林郎王氏漢章貴人 貽

張兆瑞 贈以子文林郎安氏黃氏贈孺人 敕

鄭天湧 恩以孫贈文林郎劉氏榮貴人 覃

鄭風清 敕以子贈文林郎李氏贈孺人 覃恩

段逢時 修以子職佐郎李氏喬氏封貴人 貽贈

韋秉良 儒以孫林郎邢氏贈安人 貽贈

韋謹 儒以子林郎楊氏高氏封安人 敕贈

董培風 貽以子贈職郎吳氏贈太孺人 覃恩

董安楚 贈以弟職沁州學正氏襄貴人 覃恩

薛元明

贈以登子捐職主簿東來貴人

武紹文

覃以孫兵部贈職方司主事加三級不化貴人

武統文

恩以孫兵部贈職方司主事加三級不化貴人

武秉文

恩以孫兵部贈職方司主事加三級不化貴人

武振封

覃以子兵部贈職方司主事加四級不化貴人

武自新

以姪兵部贈職方司主事加四級不化貴人

武又新

恩以姪兵部贈職方司主事加四級不化貴人

武丕應

覃以弟兵部贈職方司主事加四級不化貴人

武丕基

覃以弟兵部贈職方司主事加四級不化貴人

直隸霍州志

卷上

封典

二

董直錄

庚以孫捐職布經議大夫四級高氏誥封朝議大夫

董揚清

庚以子捐職布經議大夫四級高氏誥封朝議大夫

董百魁

馳以子贈登仕佐郎妻劉氏榮貴人

李秉元

馳以孫贈武署騎尉妻龐氏贈安人

李掄魁

武以子署騎尉妻張氏吳氏贈安人勅贈

段鵬翔

貴以孫武誥生贈職衛守備議敘都司培蓮

段逢會

貴以子武誥生贈職衛守備議敘都司培蓮

段振鐸

以子武誥生贈職衛守備議敘都司培蓮

段逢康

馳以弟武德佐騎尉妻靳氏郭氏逢封宜貴人

馬鳳梧 武以子捐職營尉安氏應瑞貴封

馬載圖 武以孫捐職營尉朱氏應瑞貴封

成中極 贈以孫德捐職守尉所千總錦麟貴宜

成五典 贈以武德佐騎尉所千總錦麟貴宜

郭宰敬 贈以孫兵部差尉荀氏智貴韓氏贈

郭文泰 誥以子兵部差尉李氏貴封恭人

安汝賢 誥以孫武職都尉游擊馬氏傑三貴

安凌極 誥以子武職都尉游擊張氏傑三貴

安峻極 誥以生子武職都尉游擊楊氏封淑人

直隸霍州志

卷上

封典

三

劉居所 略以孫騎尉郭氏周氏馬氏贈安人

劉恒昇 武以子略佐騎尉董氏安氏贈安人

任聯魁 贈以子徵仕郎劉氏贈孺人

喬君選 武以子德騎尉李氏成氏贈宜人

張志學 贈以孫儒職郎劉氏贈安人

張復昌 儒以子郎妻陳氏任氏贈安人

文職銜

劉步斗 訓導 任奪秀 訓導 高鸞坡 訓導 翟文標 訓導

郜爾勉 訓導 董連元 訓導 安承聖 訓導 朱連書 訓導

董邦傑 州判 韓清泉 訓導 韓立功 訓導 張德楸 訓導

董醕之 知縣 劉肯堂 教諭 劉懋德 訓導 任士璋 訓導

郭應封 訓導 成常林 州判 李庚辰 訓導 成秀森 教諭

張開域 訓導 張茂林 教諭 張光宇 揀選 喬元春 訓導

楊錦文 教諭 朱連捷 訓導 薛樹縉 教諭 郭玉成 訓導

韓清標 訓導 成德馨 訓導 劉錦甲 教諭 郭先甲 訓導

直隸霍州志 卷上 文職銜 一

任步蟾 教諭 韓丙熒 訓導 成配南 訓導 安餘慶 教諭

劉漢章 訓導 成樹秀 訓導 張文煥 訓導 董五章 訓導

周宅鎬 教諭 成子淳 訓導 劉子喆 知縣 閻鯤化 訓導

武丕應 教諭 孫 寯 訓導 任贊湯 訓導 陳伯璋 訓導

劉文燦 訓導 韓奎章 訓導 武學煥 州判 靳思問 主簿

任汝拭 按察 靳思齊 理問 董紫照 主簿 董萬鵬 茶馬

任汝聰 州判 高益恒 縣丞 任汝敏 州同 朱連颺 州同

董庚辛 布經 任汝昌 縣丞 段逢康 布都 吳文濬 經

李則膺 按察 李點奎 理問 武自新 鹽知 任汝霖 同知

楊重選 州同 周紹稷 典籍 張漢章 按經 韋應封 州同

張尊美 州同 閻繼先 布經 鄭樹榮 按經 薛東來 主簿

韓東甲 州同 栢迎春 州判 劉東甲 鹽知 任儒林 巡檢

李早榮 署正 董松年 鹽經 邢春城 典史 段玉敏 州同

朱永孚 巡檢 劉兆瑞 典籍 劉兆福 典籍 段培厚 按知

董炳文 府經 成樹楨 縣丞 段集雲 縣丞 段瀛可 主簿

龐承基 布理 董恩縉 州同 朱維申 縣丞 安希閔 州同

周化南 布理 段培清 主簿 楊翰英 主簿 高蘭祥 吏目

張逢年 按經 張逢辰 州同 安正心 吏目 劉逢源 州同

直隸霍州志

卷上

文職銜

二

武職銜

李成蔭 千總 劉聯魁 衛千 李魁英 千總 成繼學 衛千

朱郁茂 千總 李栽培 衛千 楊陽暢 千總 李俊德 千總

喬竹 衛千 梁漸陸 千總 李懷德 衛千 郭秀智 千總

荀文潮 千總 安世康 千總 任經魁 千總 劉美化 千總

薛安仁 千總 劉仰俞 千總 段逢年 把總 任作楫 千總

李掄奎 千總 任應時 千總 安煥章 千總 陳時清 千總

安傑三 遊擊 董邦英 千總 任占魁 千總 段逢豫 千總

朱秀嶺 遊擊 劉望源 都司 劉兆第 都司 劉望漢 千總

任儒型 千總

段逢亨 千守總禦

程迎澤 都司

安廷珍 都司

高翰音 千守總禦

董家齊 千守總禦

任汝聽 都司

董邦翰 遊擊

成錦麟 千守總禦

任晉藩 千守總禦

任靖藩 千守總禦

吳釧 千總

李秀發 千總

孫宣 千總

朱秀峪 守備

閻休風 千守總禦

朱郁紳 都司

安尊榮 千守總禦

段培蓮 都司

段逢泰 千守總禦

馬應瑞 千守總禦

劉居鶴 千守總禦

劉殿英 總營千

董邦黻 千守總禦

關時俊 千守總禦

周丕昌 總營千

李春寅 總守千

關廷璋 總守千

喬應昇 千守總禦

續刻直隸霍州志

篤行

武統文監生性純厚嫂張氏內弟家無恆產嘗給水田三畝且代完錢糧學憲以六行可書匾額獎之子三人

劉昌延其居與祠堂近兒時嬉戲每得瓜果先呈木主前拱揖將敬然後自食比長暑月侍親側執扇驅蠅無倦容乾隆年間本里差務浩繁司事者逃去卽出己囊代應差費三百餘金不少恡合里贈以義氣可

直隸霍州志

卷上

篤行

一

風匾額鄉黨借貸有無力歸償者輒焚其券

劉學易昌延子也遵父遺教自奉儉約而樂善不倦堂兄弟家人極繁雖云析居遇冠婚事力爲措辦輕財仗義人謂能承父志子思章思秀監生思恩布政司經歷

任開疆忠節公光裕五世孫也事嫡母以孝聞嘗置地畝於曹村村中可澆之地甚多水源所出不足供用聞范姓地內有泉遂捐金購置闔村利賴州中每有義舉輒首倡捐好善樂施里人頌之子經魁千總

韋恆泰增貢生弱冠失恃善事繼母舅家貧遺孫不能自立爲之完婚置產無德色客濟南見道途遺棄字紙遂倡捐惜字社並刊桂宮梯等書勸世子生臬廩貢署長治訓導孫若燦附生

董直錄增生善事父母開館訓蒙盡心啟迪從游日眾門下寒士材有可造者不惟助紙筆費更給衣食之不足焉

董揚清太學生直錄子也有孝行生平極好賑卹貧苦冬月預購綿衣散給貧民人傳頌之子庚辛布政司

直隸霍州志

卷上

篤行

二

經歷

朱元培耆賓事親能得歡心與鄉黨處事事務存厚道遇荒年糶升斗之粟必減其值嘗語人曰吾無他勝人惟肯喫虧不刻薄傷元氣而已子連珍咸豐辛亥科舉於鄉選授遼州學正

董殿元兄弟友愛白首無間霍郡每逢大比寒士赴省無資與弟歲貢連元相商遂捐金五百以備資斧復結惜字社各處收買焚化歷署五州縣學篆悉畱教澤子三邦傑道光丁酉拔貢餘俱援例

孫萬照侑生福貴孫也性孝友每當冬月捐綿衣以濟窮乏出資斧以施糜粥行之數年未嘗少懈鄉里稱其解衣推食子孫必有榮顯者子寅咸豐己未舉人靜樂訓導

董奎照字光遠郡諸生增生洋孫監生朝樞子也事親盡禮親歿每遇佳節輒往墓號泣汾河木橋首捐經費州人利之凡廟社義舉里戶善事悉攸助以成其美工書法暇時輒教導後進黃學憲表其閭曰立身人模子三長栽培庠生孫家興廩貢保薦教諭

直隸霍州志

卷上

篤行

三

程樹業庠生元元帥諱榮公裔監生若麟次子剛直性成不積私財同產三人兄愛而友弟敬而順孔懷之篤有踰常倫復勤勩公事凡郡中廟宇本支宗祠胥賴振興華州尊給匾曰勤慎從公又曰正直樹範子三人長望澤咸豐辛酉登拔萃科選授榆社縣教諭董培風監生孝友性成父增廣生翔鳳督責極嚴奉事維謹且業精岐黃活人無算子四長安晉庠生四贊襄咸豐辛亥鄉薦沁州學正

武振封統文子也父母早逝事繼母從容和順繼母亦

待之如己出母慈子孝鄉評兩重之親族或不能舉
火必設法賑濟喪葬無力亦必出囊相助善行義舉
多人所難子丕應恩貢丕化乙卯舉人兵部主事
董因培監生奎照次子也母逝後兄栽培經理家務恐
父寂寞晝夜隨侍以博親歡嘗赴郭莊收租有劉姓
者遇急難事盡付其租相助入謂有范堯夫麥舟高
誼至施粥捨藥讓產焚券尤多義舉州尊恆給匾曰
齒德兼優子四長家興廩貢保薦教諭餘俱援例

劉居鳳武舉性篤祇恭有膽畧不畏彊禦道光乙未春

直隸霍州志

卷上

篤行

四

攜次子占魁平陽應試適寇氛告警擾及趙城總鎮
差遣彈壓賊探知有備引去不敢逼行至井峪村見
男女避難者徧滿山谷因妥爲安撫全活者以千計
口碑嘖嘖至今猶存子四人

劉聯魁武舉居鳳子也父年高邁色養蒸蒸以孝聞每
從城鄉歸有可娛親心者必委曲細述與繼母弟鵬
飛春魁同居兄友弟恭里鄰推重復結文社以課子
弟營宗祠以妥先靈咸豐三年間上憲大營駐紮霍
州措辦糧餉以濟軍需人謂其有父風子三人長子

喆光緒癸酉科經魁

任士璋歲貢生行篤孝友幼隨父建基讀講及孝弟再三窮究事父母和顏悅色愛堂兄不異同胞嘗勸人有三要事一孝順父母二教訓兒孫三勤儉治家皆身體力行語食餼後屢薦不售以教人爲己任霍靈汾擔簦來學者甚衆脩儀多寡不計至今雍容一堂子孫繁衍人咸稱其文行兼優

朱連捷廩貢生朱調元孫吏員貽穀三子早失怙性直嗜學不趨俗不履公門事母四十餘年孝養未嘗少

直隸霍州志

卷上

篤行

五

懈母歿喪葬一如其父與長兄連擢次兄連措相處怡怡如也生平尤多義舉宗族貧乏時周恤之鄰有王姓者貸不能償公當面焚券以慰其心文州尊贈聯曰藉甚聲華金鼎重湛然心跡玉壺清

任汝棻字伯詹按經歷銜性至孝同胞者五人均能友恭無間生平崖岸自高不染俗務處世待人緇銖未嘗計較尤能親近儒士遇寒峻無力應試者助膏秣資毫無德色

劉殿英字文選性孝友精岐黃術活人無算更施藥餌

貧富皆不受謝郡人立碑以誌其善庚寅郡饑出粟賑濟黃州尊以好善樂施匾獎之又復倡捐鄉試資斧出百金相助是舉遂成生平持盈戒滿刊勸世書奉食牛戒積德可風鄉黨稱之

朱長榮西張村人家奇貧同胞四人四弟早逝榮與弟輩出外肩挑以奉母母卒仍理舊業光緒三年大荒傲骨嶙峋不乞借親鄰亦不領取倉穀杜蘇村有姊欲其就食存活榮曰兩弟餓將就木我豈能獨生遂詣塋穿墻爲竈墓側以度餘生欲四人同歸一穴先

直隸霍州志

卷上

篤行

六

啟四弟舊墻昇屍新墻餓將斃挽荆棘以塞墓門村人憐而埋之

韓九錫介賓如標子品端方性孝友胞兄早世遺子三撫之如己出比長延師教訓胥克成立生平排紛解難不惜己財村東有猛水河一道年深河低渠高遇水不能澆灌因破石墊河創開渠路建三官廟修聖母祠村人以澹臺風範匾獎之子逢乙孫象璋象瑗俱庠生

董栽培字心田庠生性剛方事親孝臨財廉慷慨樂施

貌恭心敬慮以下人嘗教弟姪輩學喫虧生平丰裁
自峻除飲射讀灑從未一履公庭咸豐三年髮逆北
竄上憲帶隊追剿師駐州境餉白米以濟軍糧事平
擬爲保獎堅辭不受書院馬麗中山長與之友善贈
以端方正直匾額嗣子家齊守禦所千總

喬崇教前明朝奉郎山左參政喬瑞裔也生平嗜義急
公慷慨樂輸值歲歉租粟所入胥付佃戶囤積以備
荒年居住南辛莊爲往來通衢夏月行客每憂煩渴
乃獨捐貲建立茶房以便行人憩息飲和食德迄今

直隸霍州志

卷上

篤行

七

猶畱口碑焉

董丕烈吏員孩提知孝友成童後繼嗣胞叔奉養一如
生父叔父歿孀母年邁偶爾違和更深夜闌必披衣
起親進湯藥孝養竭誠鄉黨有莫知爲嗣子者孫士
薰庠生士選廩生

劉美德廩貢生鄉飲大賓捐職都司望源之父孝德素
著義行共推母病藥餌親調寢食俱廢待弟與姪友
愛兼盡歲饑散粟周濟毫無德色楊棗村水利構訟
十餘年百方勸解兩造冰釋永息爭端其時鄉里贈

匾曰品參三立黃州尊給匾曰好善樂施

朱鳳鳴吏員平武縣典史映南父也自幼失怙事孀母以孝稱嘉慶九年歲稔米貴如珠雖與兄分爨凡姪男女婚嫁花費從豐欣助且出貲以修廟宇捐銀以補戶累善行卓然鄉閭推重

董安晉庠生以孝稱十三歲失怙事祖父母暨孀親五十載毫無間言教訓四弟課文論詩早領鄉薦嗣子援例成名皆其培植之力也且能仗義急公睦族恤衆鄉閭品評謂其行誼無虧焉

武奪奎增生貢生極治之父也孝事雙親義處同胞其弟早卒二姪俱幼待之如己出生平設館授徒極其嚴肅子弟賴以成就者不少至於修橋梁以濟行人捐資財以葺廟宇善行卓卓可稱

劉成樂從九綺齡失恃事繼母以孝待弟輩以恭從事商賈酷愛文學貿易之暇猶手不釋卷

喬集鸞庠生歲貢生元春父也七歲失怙孝事孀母每塾歸母嘗含泣訓曰孤兒寡婦誰其憐憫汝能砥礪有成方愜母心比入泮設教義學凡寒士從遊助以

膏火郡中倡建事亦多踴躍樂輸雖當耄年猶念母訓而流涕也次占春從九孫正昌廩生正心庠生

韓長庚生而聰慧爲伯父鍾愛父卽命之爲嗣後伯父生子友愛甚篤毫無異言其待鄰里宗族善行至今

推重

李秉智監生千總掄奎之父篤實性成事親婉顏承順待弟財無私積郡城火星廟香首賠累倡捐資本生息以永神祀建造橋梁人不病涉施捨貧乏鄰里感恩一時親族贈匾曰孝友堪風次子點奎布理問孫

直隸霍州志

卷上

篤行

九

秀芝議敘九品友芝監生光煒增生秀發千總

劉汝鑑吏員其母先歿喪父時年逾五旬哀痛迫切一若孺慕及葬禮哀兼盡鄰里咸爲悲感後兄病醫藥罔效靜夜焚香默禱願以身代至友愛諸弟恩篤情結人無間言

朱連颺州同銜監貢生事親蒸蒸以孝聞好行善事遇鄰里貧苦者多調恤之以故累債經百數十年始克清還適至王莊村拾一布囊內裹百餘金念矢者性命攸關由午迄昏失者至以原物還之絲毫不取次

子秀峪守禦千總孫郁紳都司銜麟徵主簿

朱秀嶺遊擊銜烏程縣丞殿贊之父孝能竭力行多義
舉父晚年失明昕夕侍側恐親不樂遍訪名醫以治
瞽目重明人謂孝誠所感同治六年捻匪入境蒙州
尊賈保舉招募鄉勇護全州城人賴以安次子郁紳
都司銜

晁振振大張村人生而肢屈父克禮早逝貧無以度負
母於州之西山穴居野處有坡田十餘畝無犁牛耒
耜持短鋤耕作以奉母食不足乞隣村繼之得美食

直隸霍州志

卷上

篤行

十

卽挑炭負薪必置之懷歸以進行之三十年不懈且
賦性廉潔與人接取與未嘗苟光緒四年大禳家積
斗米恐難兼顧讓母獨食遂餓而斃月餘母亦卒死
後烏翼狐守兩骸依然鄉人憐其孝就所居之穴並
母埋葬焉

文苑

朱傳煥恩貢生嗜學好古親喪哀毀骨立枕塊寢苦三年不入私室步趨言動皆遵矩度誨人循循有序遊其門者書匾頌之曰春風化雨言其感孚甚捷也

朱鳳彩廩生父母早逝兄弟同居恩篤情結相好無猶入泮後專精誦讀制藝清貞兼工書法授徒靈石教規嚴肅諸生就正課藝一經點化之妙鐵石成金

閻士章歲貢生以文學知名教授生徒從容啟告務使能自振興而後已嘗語人曰吾不誤人子弟者惟啟

直隸霍州志

卷上

文苑

一

其天良俾自勉於善耳

朱聖培歲貢生平素留心聲韻之學其訓童蒙也字音極其講究稍涉含糊卽爲更正蓋以各方風土不同南北音聲互異或爲土音或爲官音必爲切音解義裨益後學匪淺至今稱之

劉懋德性豁達每爲人排難解紛入其門者若作老學究態輒以空疏無具目之訓迪維勤一時英傑之士獲成就者甚多歿後多士思其遺澤立德教碑久而不忘

董醅之字帷香早失怙恃事祖母以孝聞未入鬢卽授
徒性敏好學壯領鄉薦詩文超拔絕俗書法端楷有
翰苑才丁祖母艱遂屏絕世務不求仕進貧而好施
親族多蒙周恤人高其風

翟文標歲貢生豪爽有雋才綺歲遊庠專精舉業後以
家貧親老無意功名設帳授徒與弟文華齊名一時
有大宋小宋之目

張光宇字啟甫少通經史甫成童卽遊庠屢赴棘闈至
道光己酉始獲一售壬戌大挑同志者勸其北上應

曰親老需人奉養雖三公之榮不能易也迄今人猶
稱之

朱時修字聖舉工文章尤利小試遠近負笈從遊者甚
眾桃李盈門手澤所存今猶奉爲模範

隱逸

王惠普郡庠生好讀書不求聞達五旬後屏迹城市潛
隱於西山金鞍嶺結屋巖林閉門靜坐手不釋卷日
以文籍自娛遊其地者罕見其面洵馬岌所謂名可
聞而身不可見者

方技

李清溪字錦川深堪輿術未嘗資以爲利每勸人曰人能積德便有造化徒講星命無益也門內之行尤能敦篤里人題匾贈之曰孝友可風

喬峻極精青囊術聞貧人病不能延醫親造其門爲之療治生平好製造藥丹凡患癰疽者以藥敷之卽愈人謂其有回春妙術

董萬清增生博通瘍瘍諸書凡靈丹妙藥無不製造預備濟人急需一時賴以全活者甚眾真瘡科神手也

直隸霍州志

卷上

方技

三

張五全郡庠生留心醫理凡內經素問以及張劉朱李四大家各種醫書莫不悉心精究故斡旋天花無與敵者嘗謂疹痘恒多虛證苟專事攻毒非所以福幼也生平醫治活幼不可數計人感戴之

朱斑陞字恭圃淹博素靈諸書醫病按脈調劑不拘古方精製丸散深得其妙嘗有李姓者患經阻年餘嘔不納穀日飲藕汁已待斃矣延之往見其喘不成語投以甘緩之劑脹消漸進飲食竟獲痊愈人胥稱爲

醫中國手

仙釋

喬全進住持下樂平清虛觀日不舉火夜不燃燈日餐
松子不知春秋幾何除夜雨雪忽謂弟子曰吾欲遁
跡山林不能久居此矣次早至室雙扉靜掩人迹杳
然跟尋雪泥印處至陶唐峪見其茅龍拂屋藤蘿蓋
瓦趺坐不語屋外有虎跡後再訪之不知其處至今
石鉢尚在土人呼爲餒虎鉢

